

Ngā Whaiwhakaarotanga Hangarau mō Ngā hui ataata

Takitakina te tere o tō hononga ipurangi

Torohia te paetukutuku speedtest.net ki te whakamātau i te tere o tō hononga ipurangi. Ka pai noa iho te hononga i ngā tūmomo hui ataata ki te pēnei te tere o te hononga ki ēnei e whai ake nei:

- 1 (ki runga/raro) Mbps mō ngā hui ā-oro
- 4 (ki runga/raro) Mbps mō ngā hui ataata ā-rōpū
- 10 (ki runga/raro) Mbps mō ngā hui ataata huhua ka whakahaerehia i te wā kotahi

Mēnā e whakamahia ana te whatunga e tangata kē atu ki te mātakitaki pāhotanga tikinoa, te tākaro kēmu tuihono, te hui ā-ataata, te aha atu rānei, ka pā aua mea katoa ki te āheitanga o te hononga e wātea ana i tō Hui Ataata (VC).

Mēnā e pōturi ana tō hononga, whakapā atu ki tō Kaiwhakarawe Ratonga Ipurangi me i kore noa e tūpono ka kitea he mahere pai ake mōu.

Whakareia tō hononga ahokore

He whānuitanga pakari tō te hononga ahokore. Ki te puta i taua whānuitanga ka hinga te tere o hononga i te ngoikore o te iatohu. Tērā pea, mā te whakatata atu ki te pouara ahokore e ora anō ai i te whakapōrearea.

Mā te whakawhiti i te hononga 2.4GHz ki te hononga 5GHz – he kōwhiringa kei te nuinga o ngā pouara – ka tere ake ai te hononga heoi anō, nō konei hoki ka whāiti ake te toronga. Nā reira me whirinaki atu koe ki te pouara mēnā e whakamahi ana koe i te hononga 5GHz.

Ka pā te whakamahinga o tangata kē atu ki te tere o tō hononga ipurangi. Me whakamāmā i te karawhiunga o tō whatunga mā te tono ki ērā e whakamahi ana mō ngā mahi kāore e tino whai take pērā i te mātakitaki pāhotanga tikinoa, te tākaro kēmu tuihono me te whakahaere hui ataata ki te whanga kia ea rā anō te wāhi ki a koe me tō whakahaere hui ataata.

Mā te hono mā tētahi taura ki tētahi whatunga itarangi e whakatau i ngā take whakapōrearea i te hononga ahokore, ā, ka pai ake pea te tere o tō hononga.

Whakamāmātia te kawenga a tō rorohiko

Ka pā te kaha o tō rorohiko ki te kounga o ngā hui ā-tuihono, ngā hui ataata. Ka nui te pānga o te ataata ki te kaha o te rorohiko. Tērā pea mā ngā nuka e whai ake nei e hāpai i tō rorohiko ki te eke ki te tere e hiahiatia ana:

- Whakapoko i te ataata me te oro mēnā kāore koe i te kōrero
- Me rite tonu te whakahou i ngā pūmanawa o tō rorohiko
- Me takiputa, me whakarere rānei ngā taupānga, ngā papatono rānei e whakahaerehia ana kei muri
- Katia ngā ripa kāore e whaitake

